

**BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE
DOM NARODA**

Odbor za pravdu, opću upravu i lokalnu samoupravu

Broj: 02/16-02-1307/24
Sarajevo, 12.06.2024. godine

Bosna i Hercegovina
Federacija Bosne i Hercegovine
**PARLAMENT FEDERACIJE
SARAJEVO**

Primljeno: 12-06-2024			
Org. jed.	Broj	Priloga	Vrijednost

**DOMU NARODA
PARLAMENTA FEDERACIJE BiH**

Odbor za pravdu, opću upravu i lokalnu samoupravu Doma naroda Parlamenta Federacije Bosne i Hercegovine, na 1. sjednici održanoj 12.06. 2024. godine, razmatrao je:

1. Prijedlog zakona o izmjeni i dopuni Zakona o penzijskom i invalidskom osiguranju- hitni postupak,
2. Prijedlog zakona o dopunama Zakona o utvrđivanju naseljenih mjesta i o izmjenama u nazivima naseljenih mjesta u određenim općinama (predlagač: Iva Raguž, delegatkinja u Domu naroda)-skraćeni postupak.

Na osnovu člana 51., a u vezi sa članom 70. Poslovnika o radu Doma naroda Parlamenta Federacije Bosne i Hercegovine, Odbor podnosi Domu naroda sljedeći

I Z V J E Š T A J

1. Prijedlog zakona o izmjeni i dopuni Zakona o penzijskom i invalidskom osiguranju- hitni postupak,

Odbor je u okviru svojih nadležnosti razmatrao Prijedlog zakona o izmjeni i dopuni Zakona o penzijskom i invalidskom osiguranju- hitni postupak i nije imao primjedbi.

Ustavni sud Federacije BiH, donio je presudu broj: U-13/22 od 09.05.2023. godine „(Službene novine Federacije BiH“ broj: 42/23) kojom je član 9. Zakona o izmjenama i dopunama Zakona o penzijskom i invalidskom osiguranju („Službene novine Federacije BiH“ broj19/22) proglašen neustavnim. Radi se o članu kojim je dopunjen član 116. Zakona o penzijskom i invalidskom osiguranju, a kojim je propisana obustava isplate penzije u slučaju sticanja statusa osiguranika u obaveznom osiguranju. Korisniku penzije koji u skladu sa ovim zakonom stekne status osiguranika u obaveznom osiguranju, izuzev osiguranika iz člana 12. tač. C), d), e) i f) ovog zakona, isplata penzije se obustavlja, a najduže do navršenja 40 godina staža osiguranja, odnosno 65 godina života.

Odbor podržava razmatranje i donošenje Zakona po hitnom postupku.

2. Prijedlog zakona o dopunama Zakona o utvrđivanju naseljenih mjesta i o izmjenama u nazivima naseljenih mjesta u određenim općinama (predlagač: Iva Raguž, delegatkinja u Domu naroda)-skraćeni postupak.

Odbor je u okviru svojih nadležnosti razmatrao Prijedlog zakona o dopunama Zakona o utvrđivanju naseljenih mjesta i o izmjenama u nazivima naseljenih mjesta u određenim općinama (predlagač: Iva Raguž, delegatkinja u Domu naroda)-skraćeni postupak i nije imao primjedbi..

Tekst Prijedloga zakona je istovjetan tekstu Prijedloga zakona koji je predložio poslanik u Predstavničkom domu Parlamenta Federacije Bosne i Hercegovine, Slaven Raguž. Predstavnički dom je usvojio Prijedlog ovog zakona na 11. sjednici održanoj 28.05.2024. godine u tekstu predlagača.

U Mišljenju Vlade Federacije Bosne i Hercegovine V. Broj 717/2023 od 01.06.2023. godine navedeno je da predloženi tekst zakona ima manji broj normativno-pravnih grešaka, te radi boljeg razumjevanja Vlada je predložila novi tekst zakona.

Odbor podržava razmatranje i donošenje Zakona po skraćenom postupku, jer nije u pitanju složen i obiman Zakon.

Za izvjestioca na sjednici Doma naroda Parlamenta Federacije Bosne i Hercegovine određen je Senad Alić, predsjednik Odbora.

**PREDSJEDNIK ODBORA**
Senad Alić